



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

De votorum commutatione.

urn:nbn:de:gbv:23-drucke/s-483a-2f-helmst3

tis absolueret, imposita pœnitentia saluari. Item & in hæ-
resis crimine in eodem foro conscientie existant, non eos
Vicarij sit permiffum.

QUI EXCIPIANTVR A CASIBVS RESER-
VATIE PAPAE.

Infuper hoc quoque notandum est S. Pontifici refer-
uatis excipi impuberes, videlicet masculos ante decimum
quartum annum, quoniam in iis minus viget ratio: mona-
chos ac Regulares, quia non sunt sui iuris: fœminas, partim
ob sexus infirmitatem, partim quia sunt sub virorum po-
testate: iuniores autem viduas ac puellas, propter pericu-
lum incontinentiæ: senes & valetudinarios, quia laborem
itineris ferre non possent: pauperes, maximè coniugati, ne
diurna eorum absentia vxorem & liberos objiciant mendi-
citati & flagitio:

Deniq; omnes, quibus salua vita, libertate, & rebus suis
Romam adire non licet (saltem quamdiu durat tale impe-
dimentum) non sunt ad Papam, sed ad Episcopum vel ip-
sius vicarium aut pœnitentiarium mittendi, à quo pœniten-
tes absolui possunt & debent. Sed & omnibus in vniuersum,
qui in Papales casus incidunt, succurri potest per indulgen-
tias plenarias, quæ frequenter à Pontifice conceduntur.
Expedi autem hanc potestatem & tam necessarium salu-
tis remedium omnibus, maximè curatis & pastoribus no-
tam esse, vt sciant ad quos suas oues in tali necessitate remit-
tere debeant.

DE VOTORVM COMMVTATIONE.

Porro, quia etiam aliquando accidit, vt votorum com-
mutatio in confessione fieri debeat, primo notandum ve-
nit, quod etsi quilibet sacerdos (vti dictum est) possit quem-
libet à quocunq; peccato, quacunq; excommunicatione &
fractione voti in articulo mortis absolueret, non tamen po-
test in votis dispensare aut illa commutare, etenim tunc
illi illa peccatorum absolutio, non autem votorum con-
ceditur iuxta communem Doctorum sententiam.

dispensatio
aut commuta-
tio.

1. Proinde superior vel quisquis ex licentia superioris votum commutat, debet perpendere vouentis qualitatem, & expensas quas facturus erat in adimplendo voto, præter illas, quas domi suæ facturus erat, illasque omnes in alia opera conuertere, laborem autem itineris in ieiunia & orationes commutare.

2. Unde confessarij qui vota commutât virtute iubilæorum vel aliarum gratiarum, quæ præcipiunt facere in utilitatem aliquorum locorum particularium, vel ad captiuorum redemptionem, errant, si alio diuertant, commutantes ea in ieiunia, orationes, peregrinationes, missas, eleemosynas pauperum: quia tenor bullæ habet, quod huiusmodi commutationes fiant in utilitatem talium locorum vel personarum à Pontifice in sua bulla specificatarum, & non aliter.

3. Nemo autem sibi persuadeat S. Pontificem, aut aliû quemque superiorem, pro mero suo beneplacito sine iusta causa dispensare posse aut commutare vota, sic ut dispensatus sine causa possit esse securus. Quamuis verum sit, & sedulo ab his, qui de votis iudicare debent, obseruandû, quod quæuis causa reddens complementum ipsius voti malum aut inutile, aut maioris boni impeditium, sit causa satis iusta & rationalis ad dispensandum vel commutandum secundum Doctores, vel utilitas vel facilitas in vouendo, imbecillitas eius qui vouit ad exsequendum id quod vouit, & similia, de quibus certa regula statui non potest. Vide Nauarrum, cap. 12. sui manualis, num. 80.

